



Adresa: Ul. Hamdije Čemerlića 39a
71000 Sarajevo
<http://www.voda.ba>

Tel. +387 33 726 444
fax. +387 33 726 423
e-mail: info@voda.ba

Broj: **UP-1/21-2-40-022-2/25**
Datum: **24.01.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica, Rudnik mrkog uglja «Zenica» d.o.o. Zenica za donošenje rješenja o vodnoj saglasnosti na projektnu dokumentaciju za zatvaranje pogona za eksploataciju mrkog uglja «Raspotočje» u naselju Raspotočje, grad Zenica, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj saglasnosti**

1. Daje se vodna saglasnost pravnom licu, Rudnik mrkog uglja «Zenica» d.o.o. Zenica za zatvaranje pogona za eksploataciju mrkog uglja «Raspotočje» u naselju Raspotočje, grad Zenica, a na osnovu projektne dokumentacije:

- Dopunski rudarski projekat izvlačenja MHP tip BW 22/41 POZ sa pratećom opremom iz otkopnog polja OP-5, VIII-E tektonske terase zapadnog dijela jame «Raspotočje» vani i zatvaranja jame «Raspotočje» RMU «Zenica» d.o.o. Zenica (rudarsko-mašinski dio) urađen od strane RMU «Zenica» d.o.o. Zenica (broj: 03/24, august 2024. godine) te revidovan od strane RMU «ABID LOLIĆ» d.o.o. Travnik – Bila, septembar 2024. godine.

Ova vodna saglasnost može se koristiti isključivo u postupku pribavljanja dozvole za izvođenje radova u funkciji zatvaranju jame odnosno pribavljanja dozvole za potpunu i trajnu obustavu eksploatacije u skladu sa Zakonom o rudarstvu («Službene novine Federacije BiH», broj 26/10).

2. Vodna saglasnost se donosi na osnovu pregleda dostavljene projektne dokumentacije iz tačke 1. dispozitiva ovog Rješenja koja se ovjerena vraća podnosiocu zahtjeva na trajno čuvanje i čini sastavni dio Rješenja.
3. Vodna saglasnost se donosi na osnovu pregleda dostavljene projektne dokumentacije, utvrđenog činjeničnog stanja i pod sljedećim uslovima:
 - 3.1. Sve radove predviđene Dopunskim rudarskim projektom vezano za zatvaranje pogona «Raspotočje» RMU «Zenica» d.o.o. Zenica u naselju Raspotočje, grad Zenica, izvesti u skladu sa ovjerenom projektnom dokumentacijom iz tačke 1. ovog Rješenja tj. na način utvrđen u opisu tehničkog rješenja i uslova izvođenja radova uz primjenu svih mjera zaštite na radu (pri demontaži i izvlačenju opreme, prilikom izvođenja građevinskih radova...) a u skladu sa uslovima iz ove vodne saglasnosti.
 - 3.2. Korisnik vodne saglasnosti je u obavezi da u skladu sa zakonodavstvom iz oblasti rudarstva angažuje stalni nadzor nad svim rudarskim radovima, postrojenjima i instalacijama sa osnovnim zadatkom kontinuiranog tehničkog nadzora (praćenja i kontrole) nad provođenjem projektom predviđenih aktivnosti na terenu.
 - 3.3. Korisnik vodne saglasnosti je dužan da uredno vodi dnevnik rada sa tačno definisanim aktivnostima u fazama izvođenja radova i ostalim podacima koji se uobičajeno vode kod ovakve vrste radova.
 - 3.4. Tokom izvođenja radova na izvlačenju MHP tip BW 22/41 POZ sa pratećom opremom iz otkopnog polja OP-5, VIII-E tektonske terase zapadnog dijela jame «Raspotočje» i zatvaranju rudarskih objekata, sanaciji i rekultivaciji zemljišta treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.5. U toku izvođenja radova, neophodno je poduzeti sve potrebne mjere zaštite da predmetnim aktivnostima ne dođe do nastanka štete ili nepovoljnih posljedica po vode i vodni režim.
 - 3.6. Tehnologiju izvođenja radova prilagoditi uslovima na terenu, uz odgovarajuća osiguranja ljudi i materijalnih dobara. Prije obavljanja konačne sanacije moraju se provesti mjere osiguranja kako bi se isključile opasnosti po život i zdravlje ljudi, imovine, objekata i eliminisali mogući uzročnici zagađenja voda i okoliša.

- 3.7. U toku izvođenja radova, onemogućiti privremeno ili trajno odlaganja jalovine, demontirane opreme, otpadnog i viška materijala kao i opasnog otpada uz vodotoke, u području zaštitnih zona izvorišta vode za piće i sl.
- 3.8. Jalovina, demontirana oprema, otpadni materijal kao i opasni otpad nastao u toku izvođenja radova na zatvaranju pogona ne smije se ni privremeno odlagati na česticu «vodno dobro», odnosno u vodotok i na njegove obale.
4. Korisnik vodne saglasnosti je dužan da prije početka izvođenja radova riješi imovinsko pravne odnose na mjestu formiranja privremenih deponija za odlaganje demontirane opreme, otpadnog materijala, viška izvađenog materijala i sl.
5. Ukoliko se izvođenjem radova na izvlačenju opreme i zatvaranju pogona «Raspotočje» ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala vodotoka ili nanese štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
6. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova na zatvaranju pogona «Raspotočje» u Zenici i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. U periodu važenja ovog rješenja, korisnik vodne saglasnosti je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
8. Po dobijanju dozvole za potpunu i trajnu obustavu eksploatacije odnosno po završetku radova na zatvaranju rudarskih objekata, konačnoj sanaciji i rekultivaciji zemljišta na predmetnom lokalitetu, te obavljenog tehničkog pregleda i ishodovanja potvrde o izvedenim radovima na konačnoj sanaciji i rekultivaciji zemljišta, korisnik vodne saglasnosti će shodno članu 115. Zakona o vodama zatražiti izdavanje vodne dozvole. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22).
9. Ova vodna saglasnost prestaje važiti istekom roka od dvije godine, ukoliko u tom periodu ne bude pribavljena dozvola za potpunu i trajnu obustavu eksploatacije uglja u pogonu «Raspotočje» i započeti radovi na zatvaranju rudarskih objekata, konačnoj sanaciji i rekultivaciji zemljišta a sve u skladu sa projektom iz tačke 1. dispozitiva ovog rješenja.
10. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica, Rudnik mrkog uglja «Zenica» d.o.o. Zenica dana 14.01.2025. godine podnesen je ovoj Agenciji zahtjev za donošenje rješenja o vodnoj saglasnosti za zatvaranje pogona za eksploataciju mrkog uglja «Raspotočje» u naselju Raspotočje, grad Zenica, a u postupku pribavljanja dozvole za izvođenje radova u funkciji zatvaranju jame odnosno pribavljanja dozvole za potpunu i trajnu obustavu eksploatacije. U provedenom postupku, uz zahtjev za izdavanje vodne saglasnosti dostavljena je i pregledana sljedeća dokumentacija:

- Kopija Aktuelnog izvoda iz sudskog registra broj: 043-0-RegZ-24-001065 izdatog dana 04.04.2024. godine od strane Općinskog suda u Zenici,
- Kopija Uvjerenja o registraciji poreznog obveznika izdatog dana 14.10.2020. godine od strane Porezne uprave Federacije BiH – Kantonalni porezni ured Zenica,
- Kopija Uvjerenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-6209-2/20 izdatog dana 09.12.2020. godine od strane Uprave za indirektno-neizravno oporezivanje Banja Luka,
- Kopija Rješenja o prethodnoj vodnoj saglasnosti broj: UP-1/21-1-40-566-4/24 izdatog dana 12.12.2024. godine od strane «Agencije za vodno područje rijeke Save» Sarajevo,
- Kopija Odluke o davanju prethodne saglasnosti na prijedlog Odluke o privremenoj obustavi rudarskih radova u pogonu «Raspotočje» broj: NO-11211/24-27.V./1. donesena dana 02.04.2024. godine od strane Nadzornog odbora JP Elektroprivreda BiH d.d. Sarajevo,
- Kopija Odluke broj: SD-110/2-4408/24 o privremenoj obustavi rudarskih radova u pogonu «Raspotočje» donesene dana 03.04.2024. godine od strane Skupštine društva RMU «Zenica» d.o.o. Zenica,
- Kopija Odluke broj: 4485/24 o privremenom prekidu rada u pogonu «Raspotočje» donesene dana 03.04.2024. godine od strane Direktora Društva Mensura Hukića,

- Dopis broj: UP1-12-19-8749-1/24 upućen dana 10.10.2024. godine na nadležno postupanje Federalnom ministarstvu prostornog uređenja od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Obavještenje broj: UPI-03-19-2-1257/24 o nenadležnosti za izdavanje urbanističke saglasnosti za zatvaranje jame izdato dana 29.11.2024. od strane Federalnog ministarstva prostornog uređenja,
- Kopija Zahtjeva za davanje mišljenja broj: 8508/24 od 13.08.2024. godine i zahtjeva za dalje postupanje broj: 11277/24 od 19.12.2024. godine vezano za izdavanje okolinskih dozvola u postupku zatvaranja pogona «Stara Jama» i «Raspotočje» upućenih Federalnom ministarstvu okoliša i turizma od strane Rudnik mrkog uglja «Zenica» d.o.o. Zenica,
- Kopija Odgovora broj: 05/2-19-5-639/24 od 16.08.2024. godine i broj: 05-19-973/24 od 31.12.2024. godine upućenih Rudniku mrkog uglja «Zenica» d.o.o. Zenica kao odgovor na upite vezano za izdavanje okolinskih dozvola u postupku zatvaranja pogona «Stara Jama» i «Raspotočje» od strane Federalnog ministarstva okoliša i turizma,
- Dopunski rudarski projekat izvlačenja MHP tip BW 22/41 POZ sa pratećom opremom iz otkopnog polja OP-5, VIII-E tektonske terase zapadnog dijela jame «Raspotočje» vani i zatvaranja jame «Raspotočje» RMU «Zenica» d.o.o. Zenica (rudarsko-mašinski dio) urađen od strane RMU «Zenica» d.o.o. Zenica (broj: 03/24, august 2024. godine),
- Izvještaj o izvršenoj reviziji projekta broj: 4012/24 urađen dana 02.09.2024. godine od strane RMU «ABID LOLIĆ» d.o.o. Travnik - Bila,
- Dokaz o uplaćenju upravnoj taksi na zahtjev.

U provedenom dokaznom postupku koji je prethodio donošenju ovog rješenja utvrđeno je sljedeće: Rudarski radovi na eksploataciji uglja u pogonu «Raspotočje» obustavljeni su Odlukom broj: SD-110/2-4408/24 o privremenoj obustavi rudarskih radova u pogonu «Raspotočje» donesenom dana 03.04.2024. godine od strane Skupštine društva RMU «Zenica» d.o.o. Zenica i Odlukom broj: 4485/24 donesenom dana 03.04.2024. godine od strane Direktora Društva.

U skladu sa članom 43. stav (2) tačka 8. Zakona o rudarstvu («Službene novine Federacije BiH», broj 26/10) za dobijanje dozvole za izvođenje radova u postupku zatvaranja rudarskih objekata, za sanaciju i rekultivaciju zemljišta oštećenog rudarskim radovima neophodno je pribaviti vodnu saglasnost na urađenu projektnu dokumentaciju. S tim u vezi, a u svrhu pribavljanja krajnje dozvole za potpunu i trajnu obustavu eksploatacije mrkog uglja u pogonu «Raspotočje» u naselju Raspotočje, grad Zenica pokrenute su aktivnosti na dobijanju iste.

Aktivnost za koju je podnesen zahtjev za donošenje rješenja o vodnoj saglasnosti je izvođenje radova u funkciji zatvaranja jame u cilju potpune i trajne obustave eksploatacije mrkog uglja u pogonu «Raspotočje» u gradu Zenica. Zahtjev za izdavanje urbanističke saglasnosti za zatvaranje pogona «Raspotočje» upućen Gradu Zenica od strane RMU «Zenica» d.o.o. Zenica, proslijeđen je dana 23.09.2024. godine na nadležno rješavanje Ministarstvu za prostorno uređenje, promet i komunikacije i zaštitu okoline Zeničko-dobojskog kantona koje je potom dana 10.10.2024. godine isti proslijedilo na nadležno rješavanje Federalnom ministarstvu prostornog uređenja. Ovo Ministarstvo se dopisom broj: UPI-03-19-2-1257/24 od 29.11.2024. godine izjasnilo nenadležnim u postupku izdavanje urbanističke saglasnosti za zatvaranje rudnika a sve u skladu sa Zakonom o prostornom planiranju i korištenju zemljišta na nivou Federacije BiH («Službene novine Federacije BiH», broj 2/06, 72/07, 32/08, 4/10, 13/10, 46/10, 85/21, 92/21 i 72/24). Istim dopisom je naglašena obaveza privrednog društva da nakon dobijanja dozvole za obustavu eksploatacije mineralne sirovine izvrši konačnu sanaciju zemljišta i rekultivaciju okoliša te ukloni posljedice nastale izvođenjem rudarskih radova sve u skladu sa članom 59. Zakona o rudarstvu.

Dostavljena projektna dokumentacija iz tačke 1. dispozitiva Rješenja urađena je u skladu sa uslovima iz Rješenja o prethodnoj vodnoj saglasnosti broj: UP-1/21-1-40-566-4/24 izdatog od strane ovog organa dana 12.12.2024. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju data vodna saglasnost na istu.

Za potrebe izvođenja radova na zatvaranju pogona «Raspotočje», izrađena je projektna dokumentacija: Dopunski rudarski projekat izvlačenja MHP tip BW 22/41 POZ sa pratećom opremom iz otkopnog polja OP-5, VIII-E tektonske terase zapadnog dijela jame «Raspotočje» vani i zatvaranja jame «Raspotočje» RMU «Zenica» d.o.o. Zenica (rudarsko-mašinski dio) KNJIGA 1 i 2 sa priloženim situacijama u odgovarajućem mjerilu, opisima, nacrtima, predmjerom i predračunom radova uobičajenim za ovaj nivo dokumentacije a u skladu sa Pravilnikom o sadržaju, redoslijedu izrade, sastavnim dijelovima i načinu izrade rudarskih projekata («Službene novine Federacije BiH», broj 53/12). Projektna dokumentacija urađena je od strane ovlaštenog projektanta RMU «Zenica» d.o.o. Zenica, august 2024. godine) a revizija urađena od strane RMU «ABID LOLIĆ» d.o.o. Travnik – Bila, septembar 2024. godine.

Projektant i revident imaju Dokaze o ispunjavanju uslova za obavljanje poslova u okviru rudarske djelatnosti izdate od strane Federalne uprave za inspekcijske poslove – Federalni rudarsko, termo i elektro-energetski inspektorat. Projektnom dokumentacijom definisane su aktivnosti koje će se provoditi tokom demontiranja i izvlačenja opreme iz jame sa postupkom pripreme jamskih prostorija za zatvaranje i načinom deponovanja/odlaganja nastalog otpadnog materijala.

Zatvaranje pogona «Raspotočje» izvršit će se kroz šest faza rudarskih radova (demontaža i izvlačenje elektro-mašinske opreme će se podudarati sa fazama zatvaranja dijelova jame) sa definisanim mjerama zaštite. Prije samog početka izolacije jamskih prostorija (formiranje muljnih čepova i zidanih pregrada od šljako betonskih blokova) iz dijela prostorija ispred izolacionih objekata odnosno iz dijela jame koji će ovim izolacionim objektima biti izolovan i zatvoren, potrebno je izvući svu elektro-mašinsku opremu.

U postupku izvlačenja opreme i zatvaranja pogona nastajace izvjesne količine jamskih/procjednih voda koje će se adekvatno zbrinjavati izradom izolacionih objekata kratkih spojeva, stalnih izolacionih objekata za izolaciju otkopnih komora i stalnih izolacionih objekata u cilju izolacije dijela otkopnog polja i sl.

U završnoj fazi radova a prije isključenja glavnog ventilatorskog postrojenja i obustavljanja protočnog provjetravanja potrebno je u glavnim ventilacionim niskopima, neposredno iza nepristupačnih pregrada instalirati dvije potapajuće muljne pumpe sa zasebnim potisnim cjevovodom prema vani zbog potrebe odvođenja vode u procesu formiranja muljnih čepova pri slijeganju termo elektranskog pepela. Cjevovodi će biti uključeni u potisni cjevovod isključenih centrifugalnih pumpi sa kote K+180,00 m kojim će se voda odvoditi u rijeku Bosnu.

Na osnovu utvrđenog činjeničnog stanja i dostavljene dokumentacije, a u cilju smanjenja negativnih uticaja predmetne aktivnosti na stanje voda, podnosiocu zahtjeva su ovom vodnom saglasnosti, u tački 3. dispozitiva rješenja, shodno odredbama člana 114. Zakona o vodama i člana 17. stav (1) tačka 13. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) propisani uslovi koje je isti dužan ispuniti u toku izvođenja radova na zatvaranju pogona za eksploataciju mrkog uglja «Raspotočje» u naselju Raspotočje, grad Zenica, a u postupku pribavljanja dozvole za potpunu i trajnu obustavu eksploatacije.

Uzimajući u obzir naprijed navedeno, na osnovu člana 109. stav (1) tačka 2. i stav (2) tačka 1., a u vezi sa članom 114. Zakona o vodama i članom 17. stav (1), tačka 16. Pravilnika o sadržaju, obliku, uslovima, načinu izdavanja i čuvanja vodnih akata, riješeno je kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Nermina Hodžić, dipl.inž.građ.

Prilog:

- Ovjeren «Dopunski rudarski projekat izvlačenja MHP tip BW 22/41 POZ sa pratećom opremom iz otkopnog polja OP-5, VIII-E tektonske terase zapadnog dijela jame «Raspotočje» vani i zatvaranja jame «Raspotočje» RMU «Zenica» d.o.o. Zenica (rudarsko-mašinski dio) urađen od strane RMU «Zenica» d.o.o. Zenica (broj: 03/24, august 2024. godine) – KNJIGA 1 i 2,

Po ovlaštenju
Rukovodilac sektora za izdavanje
vodnih akata

Nihad Pezo, dipl.inž.građ.

Dostaviti:

- RMU «Zenica» d.o.o. Zenica
ul Stjepana Radića br 2, 72000 Zenica (prilog)
- ⊖ AVP Sava, ISV-vodna knjiga
- Sektor 40 – arhiva
- Oglasna ploča - AVP Sava